

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), člana 51. stav 4. Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“ broj: 2/15) na prijedlog Ministarstva za prostorno uređenje, promet i komunikacije i zaštitu okoline – Kantonalna direkcija za ceste, Vlada Zeničko-dobojskog kantona, na 46. sjednici, održanoj dana 04.03.2016. godine, d o n o s i

ZAKLJUČAK

I.

Usvaja se Izvještaj o realizaciji Plana zaštite, održavanja, rekonstrukcije i izgradnje regionalnih cesta za 2015. godinu Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona.

II.

Zaključak stupa na snagu danom donošenja.

Broj: 02-_____/16.

Datum, 04.03.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,

1x Kantonalna direkcija za ceste,

1x Ministarstvo finansija,

1x a/a.

BOSNA I HERCEGOVINA
Federacija Bosne i Hercegovine
ZENIČKO – DOBOJSKI KANTON
Ministarstvo za prostorno uređenje,
promet i komunikacije i zaštitu okoline
Kantonalna direkcija za ceste

IZVJEŠTAJ
o realizaciji Plana zaštite, održavanja, rekonstrukcije i izgradnje
regionalnih cesta za 2015.godinu.

Februar 2016. godine

UVOD

Prema prijedlogu Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline, Zaključkom broj: 02-27-12582/15 od 04.06.2015. godine, Vlada Zeničko-dobojskog kantona dala je saglasnost na Plan zaštite, održavanja, rekonstrukcije i izgradnje cesta za 2015. godinu. U izmijenjenom Planu zaštite, održavanja, rekonstrukcije i izgradnje cesta za 2015. godinu na koji je data saglasnost Zaključkom Vlade Zeničko-dobojskog kantona broj: 02-27-21833/15 od 10. 12. 2015 godine neutrošena namjenska sredstva su planirana za izgradnju mosta na rijeci Krivaja, na regionalnoj cesti R 467 Zavidovići – Olovo na STD 39 + 500 km, rekonstrukciju dijela navedene regionalne ceste kroz općinu Olovo u svrhu izgradnje zaobilaznice i izradu projektne dokumentacije za dva mosta na rijeci Usora u mjestima Tešanjka i Jelah. Izgradnja mosta i izrada projektne dokumentacije za dva gore navedena mosta je ugovorena i realizovati će se u 2016 godini.

Sredstva za realizaciju Plana za održavanje, zaštitu, obnovu, rekonstrukciju i izgradnju regionalnih cesta na području Zeničko-dobojskog kantona, obezbjeđena su iz namjenskih sredstava u Budžetu Zeničko-dobojskog kantona za 2015. godinu.

Shodno odobrenim namjenskim sredstvima za realizaciju poslova održavanja, zaštite, rekonstrukcije i izgradnje regionalnih cesta u 2015. godini, Kantonalna direkcija za ceste je uz saglasnost ministra Ministarstva sačinila prijedlog godišnjeg plana.

U skladu sa zatečenim stanjem regionalnih cesta na početku planskog perioda, a posebno poslije elementarnih nepogoda na osnovu planiranih sredstava za pozicije tekućeg i vanrednog održavanja, u godišnjem planu prikazano je izvršenje sljedećih poslova na regionalnim cestama :

- građevinski radovi na redovnom održavanju regionalnih cesta, sa finansijskim pokazateljima za sve pojedinačne stavke građevinskih radova;
- potrebni radovi i aktivnosti na održavanju regionalnih cesta u zimskom periodu;
- listu prioriternih radova na rekonstrukciji i vanrednom održavanju regionalnih cesta sa planiranim vrijednostima sredstava;
- planirane aktivnosti na izvršenju hitnih intervencija na javnim cestama;
- usluga stručno-tehničkog nadzora kod izvršenja ugovorenih građevinskih radova;
- izrada projektne dokumentacije za planirane poslove rekonstrukcije i izgradnje cesta i cestovnih objekata.

Izvršenje planiranih poslova redovnog i vanrednog održavanja regionalnih cesta, povjereno je izvođačima radova koji su odabrani nakon provedene javne licitacije definisane odredbama Zakona o javnim nabavkama BiH, sa kojima je zaključen okvirni četverogodišnji Sporazum o uslovima i načinu održavanja regionalnih cesta.

Okvirni sporazum zaključen sa izvođačima radova sadržava jedinični cijenovnik potrebnih radova svih propisanih vidova održavanja regionalnih cesta na području Kantona.

Izrada projektno-tehničke dokumentacije i stručno-tehnički nadzor nad izvršenjem ugovorenih radova rekonstrukcije i izgradnje regionalnih cesta i cestovnih objekata, povjereni su preduzećima koja su odabrana u skladu sa Zakonom o javnim nabavkama BiH.

Stručno-tehnički nadzor nad izvršenjem ugovorenih radova zimskog održavanja cesta je povjeren preduzećima koja su odabrana u skladu sa Zakonom o javnim nabavkama BiH.

Za izvršenje radova rekonstrukcije i izgradnje cesta prema godišnjem Planu, izbor izvođača radova je izvršen u skladu sa odredbama Zakona o javnim nabavkama BiH.

UTROŠAK SREDSTAVA

Budžetom Zeničko-dobojskog kantona za 2015. godinu planirana vrijednost sredstava na poziciji “Tekuće održavanje” je 6.000.000,00 KM, dok je na poziciji “Rekonstrukcija i izgradnja cesta”, planirano 1.804.000,00 KM

Planirana vrijednost sredstava	Planirana vrijednost/KM
I. Održavanje regionalnih cesta	6.000.000,00
-zimsko održavanje regionalnih cesta	970.000,00
-redovno održavanje regionalnih cesta	4.600.000,00
-obnova i vanredno održavanje regionalnih cesta	275.000,00
-finansiranje ugovorenih obaveza iz 2014. godine	155.000,00
II. Rekonstrukcija i izgradnja cesta i cestovnih objekata, izrada projektne dokumentacije i stručno-tehnički nadzor	1.804.000,00
-finansiranje ugovorenih obaveza iz 2013. i 2014. godine	1.082.500,00
-rekonstrukcija i izgradnja cesta i cestovnih objekata	601.500,00
-izrada projektne tehničke dokumentacije	120.000,00

Na poziciji tekućeg održavanja - ekonomski kod 6137, utrošak sredstava u odnosu na planirana sredstva iznosi 93,33 %, na poziciji rekonstrukcije, izgradnje i projektovanja – ekonomski kod 8216, procenat izvršenja je 72,37 %.

Tekuće održavanje nije u potpunosti realizovano iz razloga što smo neutrošeni dio sredstava planirano ostavili za hitnu sanaciju udarnih rupa na asfaltnom kolovozu u martu 2016 godine.

Manji procenat izvršenja na poziciji rekonstrukcije, izgradnje, i projektovanja je nastao zato što su sredstva na ovoj poziciji planirana u izmijenjenom Planu zaštite, održavanja, rekonstrukcije i izgradnje cesta na koji je Vlada Zeničko-dobojskog kantona dala saglasnost Zaključkom broj: 02-27-21833/15 od 10.12.2015 godine. Zbog navedenog nije bilo vremena za provođenje složenih procedura javnih nabavki. U toku je izvođenje radova na izgradnji novog mosta na rijeci Krivaja na regionalnoj cesti R 467 Zavidovići – Olovo, STD 39 +500 km, lokalitet Buk. Postupak nabavke usluga projektovanja mostova na rijeci Usora u mjestu Jelah i Tešanjka je u završnoj fazi.

Započeti projekti će se realizovati u 2016 godini pod stavkom “prenešena sredstva”

Detaljan utrošak sredstava prema planiranim namjenskim sredstvima u Budžetu 2015. godine, prikazan je u priloženim tabelama, koje sadrže pregled utroška sredstava za sve planirane pozicije radova i usluge:

- redovnog održavanja regionalnih cesta;
- obnove i vanrednog održavanja regionalnih cesta;
- rekonstrukcije regionalnih cesta, usluga stručno- tehničkog nadzora i izrada projektne-tehničke dokumentacije;

Poslovi redovnog i zimskog održavanja regionalnih cesta povjereni su izvođačima radova, koji su odabrani u otvorenom postupku javne nabavke, u skladu sa procedurom propisanom odredbama Zakona o javnim nabavkama BiH. Sa odabranim izvođačima se zaključuju pojedinačni ugovori na osnovu zaključenog četverogodišnjeg okvirnog Sporazuma o uslovima i načinu održavanja regionalnih cesta na području Kantona.

Za planirana budžetska sredstva iz godišnjeg plana, redovno se planira utrošak sredstava za svaki mjesec, uz evidenciju i analizu utroška sredstava za ugovorene radove i usluge.

REALIZACIJA RADOVA REDOVNOG ODRŽAVANJA REGIONALNIH CESTA

Redni broj	Predmet ugovora	Utrošak sredstava /KM/
1.	Redovno održavanje regionalnih cestovnih pravaca: R 465 M17 Žepče-Zavidovići-Maglaj (granica Federacije) R 474 M17 Novi Šeher- Tešanj-Jelah (granica Federacije) Ugovor broj: 12-27-5090/14 izvođač radova konzorcij "Rial šped"Doboj Istok "Dobojputevi" Doboj Jug "Hajdić" Maglaj	1.140.813,60
2.	Redovno održavanje regionalnih cestovnih pravaca R 445 Lašva-Zenica-Nemila R 441 Zenica-Čajdraš-Vjetrenice-Vitez (granica Kantona) R 413a Čajdraš-Stranjani-Ovnak-Travnik (granica Kantona) R 473 Nemila-Bistričak-Teslić (granica Federacije) Ugovor broj: 12-27-5088/14 izvođač radova „Almy transport“ Zenica	708.743,00
3.	Redovno održavanje regionalnih cestovnih pravaca: R 467 Ribnica-Olovo-Han Pijesak (granica Federacije) R 468 Olovo-Sokolac (granica Federacije) Ugovor broj: 12-27-5092/14 izvođač radova „Porobioć“ Zavidovići	420.779,00
4.	Redovno održavanje regionalnih cestovnih pravaca: R 466 Zavidovići-Kamenica-Ponijeri R 467 R 467 Zavidovići-Ribnica R 469 Ribnica-Banovići (granica Kantona) Ugovor broj: 12-27-5091/14 izvođač radova „MGV gradnja“ Zavidovići	321.094,00
5.	Redovno održavanje regionalnih cestovnih pravaca: R 445 Tičići-Kakanj-Visoko-Podlugovi (granica Kantona) R 466 Čatići-Kr.Sutjeska-Ponijeri R 443 Autocesta A1-Visoko-Kiseljak (granica Kantona) Ugovor broj:12-27-5089/14 izvođač radova konzorcij „Trgošped“ Kakanj i „Mušibegović“ Visoko	858.080,00
6.	Redovno održavanje regionalnih cestovnih pravaca: R 444 Podlugovi- Breza-Vareš-Podkamenko R 444a Vareš-Pogar-Ratanj Ugovor broj: 12-27-5093/14 izvđač radova konzorcij „Porobić“ Zavidovići i „MGV gradnja“ Zavidovići	953.326,00
7.	Stručno-tehnički nadzor redovnog održavanja regionalnih cesta: „Arting BH“ Sarajevo; „Construct projekt“ Zavidovići; „Ibis“ Zavidovići ; „Plato“ Žepče	37.416,00
	Ukupno:	4.440.251,60

REALIZACIJA POSLOVA OBNOVE I VANREDNOG ODRŽAVANJA CESTA

Redni broj	Predmet ugovora	Utrošak sredstava /KM/
1.	Izrada altenartivnog i privremenog prijelaza preko rijeke Mala Maoča na R 467 Ribnica-Olovo	51.346,50
	Ukupno:	51.346,50

**REALIZACIJA POSLOVA REKONSTRUKCIJE I
IZGRADNJE CESTA**

Redni broj	Predmet ugovora	Utrošak sredstava /KM/
1.	Ugovor o izgradnji mosta na rijeci Krivaji lokalitet "Buk" na regionalnoj cesti R 467 Zavidovići-Olovo-sufinansiranje sa CRS-om	227.059,78
	Ukupno:	227.059,78

REALIZACIJA POSLOVA PROJEKTOVANJA

Nije zaključen ni jedan ugovor o projektovanju iz razloga što je Plan usvojen krajem godine te se nije mogla sprovesti procedura javnih nabavki u toku 2015. godine.

REKAPITULACIJA REDOVNO ODRŽAVANJE (PLAN 2015/IZVRŠENJE 2015)		
<i>Naziv pozicije</i>	<i>Plan 2015</i>	<i>Izvršenje 2015</i>
Zimsko održavanje regionalnih cesta 2015/2016	970.000,00	984.697,00
Redovno održavanje regionalnih cesta 2015	4.600.000,00	4.440.251,60
Obnova i vanredno održavanje regionalnih cesta 2015	275.000,00	51.346,50
Finansiranje ugovorenih obaveza iz 2014	155.000,00	123.974,36
SVEUKUPNO:	6.00.000,00	5.600.269,46

REKAPITULACIJA REKONSTRUKCIJA I INVESTICIONO ODRŽAVANJE (PLAN 2015/IZVRŠENJE 2015)		
<i>Naziv pozicije</i>	<i>Plan 2015</i>	<i>Izvršenje 2015</i>
Finansiranje ugovorenih obaveza iz 2013 i 2014 godine	1.082.500,00	1.078.478,24
Rekonstrukcija i izgradnja cesta i cestovnih objekata	601.500,00	227.059,78
Izrada projektno-tehničke dokumentacije	120.000,00	0,00
SVEUKUPNO:	1.804.000,00	1.305.538,02

Broj: 12-_____/16.

Datum, __.02.2016. godine

Z e n i c a

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Kantonalna direkcija za ceste,
1x Ministarstvo finansija,
1x a/a.

DIREKTOR

Refik Zeković